

Kolobetso le Kamano ya Hao le Modimo

(Karolo ya 3)

Sehlooho sena se thehilwe ho kgaolo ya 18 ya buka ya *Ha e le Hantle ke Eng Seo BibeLe e se Rutang?* e fumanehang ho jw.org/st.

IPEHELE SEO O BATLANG HO SE FINYELLA: Etsa dipatlisiso tsa seo o se dumelang le hore ke hobaneng ha o se dumela, hlahloba seo BibeLe e se rutang, o bone kamoo o ka hlahosetsang ba bang seo o se dumelang.



NA BAKRESTE BA LOKELA HO KOLOBETSWA?

1 ETSA DIPATLISISO KA SEO O SE DUMELANG

Batho ba bang ba ka reng?

Wena o dumela eng?

Ke hobaneng ha o dumela seo?

2 SEO BIBELE E SE RUTANG

Ka mora hore motho a inehela ho Modimo o tlameha ho lwanela ho thabisa Modimo.

(Sheba kgaolo ya 18 ya buka ya *Seo Bibe e se Rutang*, dirapa 17-19.)

Bala Moeklesia 5:4; Bakolose 1:10.

Ho lebeleletsweng ho Mokreste ya kolobeditsweng?

Bala Liproverbia 3:5, 6; Esaia 41:10.

Ke hobaneng ha Bakreste ba ratang Modimo ba ka kgodiseha hore ba ka kgona ho phelela boinehelo ba bona?



Ha motho a kolobetswa, o kengwa ka hara metsi ebe wa ntshuwa. Sena ke pontsho ya hore Mokreste ya inehetseng wa shwa bophelong boo a neng a bo phela mme wa tsoswa, e le hore a etse thato ya Modimo

Kolobetso ke pontsho ya hore re inehetse ho Modimo.

(Sheba kgaolo ya 18 ya buka ya *Seo Bibe e se Rutang*, dirapa 20-25)

Bala Baroma 10:10.

Ke hobaneng ha Bakreste ba inehela ho Modimo phatlalatsa?

Bala Pesaleme ya 25:14.

Kolobetso le boinehelo ba hao di tla etsa hore o thabeleng?

Ke hobaneng ha o nahana hore Jehova o tshwanelwa ke hore re inehelwe ho yena ka ho felletseng?
Fana ka mabaka.

3

HLALOSA SEO O SE DUMELANG

HAEBA E MONG A RE . . .

Ho kolobetswa ho tlisa boikarabelo bo bongata.

O KA NNA WA ARABA WA RE . . .

Ke nnete hore ho kolobetswa ho tlisa boikarabelo. Empa ke ikemiseditse ho bo jara hobane . . .

Ke lengolo lefe leo o ka le ballang motho eo?

O ka sebedisa lengolo leo jwang ha ka lehlakoreng le leng o ntse o nahanela seo a se dumelang?

HAEBA E MONG A RE . . .

Ha ho hlokahale hore o kolobetswe e le hore o sireletswe.

O KA NNA WA ARABA WA RE . . .

Ke nnete hore ha o kolobeditswe seo ha se bolele hore o se o ntse o sireleditswe. Empa ke dumela hore kolobetso e bohlokwa hobane . . .

Ke lengolo lefe leo o ka le ballang motho eo?

O ka sebedisa lengolo leo jwang ha ka lehlakoreng le leng o ntse o nahanela seo a se dumelang?
